




# საშურის მოაზება



№40 (461) 21 ოქტომბერი, ორშაბათი, 2024 წელი

## საშურს თანამედროვე სტანდარტების

### შესაბამისი სკოლა ექნება

რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდი ქალაქ საშურში №2 საჯარო სკოლის სამშენებლო სამუშაოებს აგრძელებს

საშურის, დავით კაკიაშვილის სახელობის №2 საჯარო სკოლა 440 მოსწავლევზეა გათვლილი

საჯარო სკოლა საერთაშორისო სტანდარტების შესაბამისად რეაბილიტირდება და ის სრულად იქნება ადაპტირებული შეზღუდული შესაძლებლობის მქონე პირებისთვის

პროექტის მიხედვით მოეწყობა საკლასო ოთახები, საპირფარეოები, სპორტული მოედნები და ეზოს ტერიტორია, დამონტაჟდება გათბობის, წყალმომარაგებისა და კანალიზაციის სისტემები, რეაბილიტაციისას ჩატარდება ენერგოეფექტურობის საჭირო სამუშაოებიც

დასრულდა სახურავისა და კედლების დათბუნება, რაც უზრუნველყოფს ზამთრის პერიოდში ელექტრო ენერჯის დაზოგვას და სითბოს შენარჩუნებას

აღსანიშნავია, რომ დავით კაკიაშვილის სახელობის საჯარო სკოლა 1927 წელს, ხოლო მისი ერთი ფლიგელი 1970 წელს აშენდა, მას შემდეგ სკოლას რეაბილიტაცია არ ჩატარებია, შენობა იყო ავარიულ მდგომარეობაში და საჭიროებდა გადაუდებელ რეაბილიტაციას

№2 საჯარო სკოლის რეაბილიტაცია-მშენებლობა ხორციელდება მსოფლიო ბანკისგან მიღებული სესხისა და სახელმწიფო ბიუჯეტის თანადაფინანსებით,



რომლის ფარგლებშიც 37 სკოლის მშენებლობა-რეაბილიტაციაა გათვალისწინებული სამშენებლო სამუშაოები 2024 წლის ბოლოს დასრულდება



## საშურში საქალაქო კულტურის სახლის (ყოფილი რკინიგზის კლუბის) რეაბილიტაცია დასასრულს უახლოვდება

„პროექტით, შენობის სრული რეკონსტრუქცია განხორციელდა. ამ ეტაპზე სრულდება როგორც დარბაზის, ასევე, კულისებისა და ადმინისტრაციული ოთახების მოწყობა. დამონტაჟდა თანამედროვე ტიპის გახმავანების და განათების სისტემები, მოწესრიგდა წყლის და კანალიზაციის სისტემები, მოეწყო გათბობა. როგორც საზოგადოებისთვის ცნობილია, საშურის საქალაქო კულტურის სახლი ათწლეულების განმავლობაში არ გარემონტებულა, რეაბილიტაციის პროცესი შეფერხებით მიმდინარეობდა, თუმცა, ამ ეტაპზე პროექტი გეგმიურად სრულდება.“ აღნიშნა სამუშაოების დათვალეირებისას საშურის მუნიციპალიტეტის მერმა თენგიზ ჩიტიაშვილმა.

საქალაქო კულტურის სახლის რეაბილიტაციის შემდგომ, საშურის მუნიციპალიტეტის კულტურული ცხოვრება ახალ დატვირთვას შეიძენს.

## სოფელ ნაბახტევში გზის დამცავი კედლის მოწყობის სამუშაოები დასასრულს უახლოვდება

კედლის მშენებლობა მოქალაქეთა უსაფრთხო და კომფორტული გადაადგილების მნიშვნელოვანი წინაპირობაა. პროექტის ღირებულება 344 740 ლარია.



## საშურში, ტაბიძის სკვერში გამწვანების სამუშაოები მიმდინარეობს

ირგვება სხვადასხვა ტიპის ხე-მცენარეები: ფოტინია, კანადური ნაძვი, კვიპაროსი ლელილანდი, ზღვის ბალახი.

„ტაბიძის პარკი, ინფრასტრუქტურულად მოწყობილია, აქვს გარკვეული გამწვანებაც, თუმცა ამჯერად, კიდევ უფრო მეტი ხე-მცენარე ირგვება. ვთხოვთ მოსახლეობას გაუფრთხილდნენ როგორც ინფრასტრუქტურას, ასევე მწვანე ნარგავებს.“- აღნიშნა სამუშაოების დათვალეირებისას საშურის მუნიციპალიტეტის მერმა თენგიზ ჩიტიაშვილმა.

ტაბიძის პარკში გამწვანების სამუშაოებს, ა(ა)იპ „წყლისა და გამწვანების კომპანია“ ახორციელებს.



# 2024 წლის 15 ოქტომბერს, პროფესიულ კოლეჯ "ქართლში", პირველი სასწავლო წლის დაწყება აღინიშნა

კოლეჯის დირექტორმა - ხათუნა ლობჯანიძემ მისასალმებელი სიტყვით მიმართა საზოგადოებას:

"...ჩემთვის დიდი პატივია ვიდგე დღეს აქ და მადლობა გადავუხადო ყველა იმ ადამიანს, ვინც ნდობა გამოგვიცხადა მე და ჩემს გუნდს შეგვესრულებინა მეტად საპასუხისმგებლო მისია, ვისთვისაც ღირებული იყო, არის და მომავალშიც სტრატეგიულად მნიშვნელოვანი იქნება კოლეჯი "ქართლის" არსებობა საქართველოს შუაგულში - ხაშურის მუნიციპალიტეტში.

საქართველოს განათლების, მეცნიერებისა და ახალგაზრდობის სამინისტროს მიერ პროფესიული კოლეჯის დაარსება-დაფუძნება ხაშურში, პროფესიული განათლების სფეროში სახელმწიფო პოლიტიკის მიზნების განხორციელებას ემსახურება, რაც [#პროფესიული განათლების საყოველთაო ხელმისაწვდომობის უზრუნველყოფით](#) ითვალისწინებს:



ქვეყნის ეკონომიკის განვითარების ხელშეწყობას, სოციალური ინკლუზიის, ინდივიდის პიროვნული და პროფესიული განვითარების ხელშეწყობას, მთელი სიცოცხლის განმავლობაში სწავლის ხელშეწყობას, საქართველოს პროფესიული განათლების სისტემის ერთიან ევროპულ საგანმანათლებლო სივრცესთან დაახლოებასა და შეთავსებადობას.

სახელმწიფოს მიერ უდიდესი ინფრასტრუქტურული ინვესტიციის განხორციელებამ განაპირობა [კოლეჯის მისია](#) - კოლეჯი „ქართლი“ ჩამოყალიბდეს როგორც მრავალპროფილური პროფესიული საგანმანათლებლო დაწესებულება, რომელიც ქვეყნის სოციალურ-ეკონომიკური განვითარების ხელშეწყობის მიზნით უზრუნველყოფს ადგილობრივ და საერთაშორისო შრომით ბაზარზე მოთხოვნილი მაღალკვალიფიციური კადრების მომზადებას ტრადიციული ხელობებისა და თანამედროვე პროფესიების მიმართულებებით და, ხარისხიანი სწავლა-სწავლების გარდა, კოლეჯმა უზრუნველყოს კურსდამთავრებულთა დასაქმება-მეწარმეობის მხარდაჭერა.

კოლეჯის დაარსების იდეიდან მის სრულ რეალიზებამდე - დღემდე გაწეული შრომისათვის, ჩვენთვის ნდობის გამოცხადებისა და მხარდაჭერისათვის, თითოეული "აგურის დადებისათვის კოლეჯის შენებაში", [მადლობას ვუხდით](#): კოლეჯის დამფუძნებელს - საქართველოს განათლების, მეცნიერებისა და ახალგაზრდობის სამინისტროს; განსაკუთრებული დვანდისათვის და კოლეჯზე ურუნვისათვის, იდეის ავტორს - პროფესიული კოლეჯი აშენებულიყო ხაშურში, სახელმწიფო მნიშვნელობის მქონე, საუკუნის პროექტად წოდებული "ახალი ბანას" მულტიფუნქციური კომპლექსის ფარგლებში - სურამისა და ხაშურის ეპისკოპოსის სვიმეონს, საგანმანათლებლო და სამეცნიერო ინფრასტრუქტურის განვითარების სააგენტოს, სამშენებლო კომპანია "დაგს", განათლების ხარისხის განვითარების ეროვნულ ცენტრს, პროფესიული უნარების სააგენტოს, დასაქმების ხელშეწყობის სახელმწიფო სააგენტოს, ხაშურის მუნიციპალიტეტის მერიას, ხაშურის მუნიციპალიტეტის საკრებულოს, კოლეჯის გამართული ფუნქციონირებისათვის საჭირო სხვადასხვა სერვისის მომწოდებელ კომპანიებს...

[განსაკუთრებული მადლობა](#) მინდა გადავუხადო [ჩემს ძვირფას კოლეგებს](#) - კოლეჯის ადმინისტრაციის თანამშრომლებს, არაჩვეულებრივ ადამიანებს, რომლებმაც ჩემთან ერთად გაიარეს ურთულესი და ხანგრძლივი გზა, კომპლექსური და ძალიან საპასუხისმგებლო პროცესები კოლეჯის დაარსებიდან დღემდე. ესენი არიან ძალიან მამაცი ადამიანები სწორი ხედვებით, გამორჩეული ენთუზიაზმითა და პროფესიონალიზმით, ერთგულებით - კეთილსინდისიერება, პროფესიონალიზმი და განვითარება. [ჩვენ გავაძლიერეთ ერთმანეთი](#) და ჩამოვყალიბეთ გუნდი, რომლის თითოეულ წევრს ყოველთვის გვწამდა, რომ ვემსახურებოდით ეროვნულ საქმეს - ისტორიის ახალი ფურცლის დაწერას ერთ პატარა, მაგრამ ძალიან დიდი ისტორიისა და შესაძლებლობების მქონე ქალაქში... [ჩვენ დავისახეთ მიზნად](#) - ჩვენი საქმიანი კულტურით პოზიტიური ცვლილებები შევიტანოთ

ადამიანების ცხოვრებაში, ჩვენი თანამშრომლებისა და სტუდენტებისათვის შევქმნათ უსაფრთხო და ჯანსაღ გარემოში მუშაობის, სწავლისა და განვითარების თანაბარი შესაძლებლობები. [ჩვენ დავდეთ პირობა](#), რომ, მიუხედავად მრავალმხრივი გამოწვევებისა, [საჩუქარს გავუკეთებდით](#) ჩვენს ხალხს და სიტყვა შევასრულეთ - ჩვენი მიზნების განხორციელებისათვის [მყარი ფუნდამენტური ნაბიჯები უკვე გადადგმულია](#): კოლეჯი "ქართლი" ჩამოყალიბდა როგორც საგანმანათლებლო ინსტიტუცია და კორპორატიული მოქალაქე... [ვამაყობ თქვენით, ძვირფასო კოლეგებო!](#) ბევრჯერ გვინატრია და - დადგა ეს დღეც: ვიწყებთ სწავლას... [უპირველესად თქვენ გილოცავთ](#) ჩვენი თვდაუზოგავი შრომის შედეგს... [მეიმედებით](#) მომავალშიც თანამოაზრეებად და "თანამებრძოლებად" - გავითიანებებით კომპეტენციებით პროფესიული განათლების სისტემაში კოლეჯი "ქართლისათვის" ღირსეული ადგილის დასამკვიდრებლად. აქვე [მადლობა](#) მინდა ვუთხრა ჩემი და ჩემი კოლეგების [ოჯახის წევრებს](#) - ჩვენი მუდმივი მხარდაჭერისათვის გვეკეთებინა საქმე ამ მრავალმხრივ განსაკუთრებულ ადგილას და განსაკუთრებულ პირობებში ...

[მადლობა](#) ჩვენს ძვირფას მასწავლებლებს - ჩვენი კოლეჯის "ელჩებს", ჩვენი ქალაქისა და ქვეყნის დიდ ინტელექტუალურ აქტივს, სხვადასხვა დარგის პროფესიონალებს, გამორჩეულ ადამიანებს პიროვნული ღირსებებით და წარმატებული საქმიანობით.

[გვეამაყებით და გვიმედობით ხარისხიანი სასწავლო პროცესის წარმართვაში](#), თქვენი ცოდნა-გამოცდილების სათანადოდ გაზიარებაში და საუკეთესო შედეგების მიღწევაში!

[მადლობა](#) ჩვენს ძვირფას [პარტნიორებს](#) - სახელმწიფო კომპანიებს და ბიზნეს სექტორის წარმომადგენლებს, ორმხრივად სასარგებლო თანამშრომლობაზე გაცხადებული ნდობისათვის, პროფესიული პროგრამების შემუშავება-განხორციელებაში ჩართულობისათვის, კოლეჯის კურსდამთავრებულთა დასაქმებაში [სამომავლო მხარდაჭერისათვის](#).

[მადლობა](#) ძალიან დიდ და პატივსაცემ საზოგადოებას - ჩვენს თანამოქალაქეებს, ადამიანებს რომლებიც ჩვენთან ერთად დიდი ინტერესით ელოდებოდნენ კოლეჯის გახსნას, ჩვენთან ერთად იზიარებდნენ სიხარულს დიდი მიზნისკენ გადადგმულ ჩვენს ყოველ წარმატებულ ნაბიჯზე... მათი ეს დიდი ინტერესი და მოლოდინი მუდმივად გვამხნევედა და გვიძლიერებდა მოტივაციას ჩვენს საქმიანობაში.

და ბოლოს, [მადლობა](#) ყველაზე მთავარ ადამიანებს ჩვენი კოლეჯისა და პროფესიული განათლების სისტემისათვის - კოლეჯში სწავლით დანტერესებულ ჩვენს ძვირფას [პირველ სტუდენტებს](#), რომლებმაც უდიდესი ნდობა გამოგვიცხადეს და გვანდეს თავიანთი მომავალი, გააკეთეს ინფორმირებული არჩევანი კოლეჯ "ქართლში" დაუფლონ სხვადასხვა პროფესიებს და უკვე მომავალი წლის გაზაფხულიდან ახალი ცოდნით და უნარებით შეუერთდნენ შრომით ბაზარს დასაქმებულის თუ მეწარმის სტატუსით. ძვირფასო სტუდენტებო, [იმედი გვაქვს](#), რომ კოლეჯში სწავლის პერიოდშიც გამორჩეულები იქნებით თქვენი სანიმუშო დისციპლინით და მათალი აკადემიური მიღწევებით. სწავლის დასრულების შემდეგ კი-მნიშვნელოვან წვლილს შეიტანთ საკუთარი ოჯახების კეთილდღეობის გაზრდაში, ჩვენი ქალაქისა და ქვეყნის განვითარებაში და საუკეთესო მაგალითებს მისცემთ მომავალ სტუდენტებს, მომავალ თაობებს.

[გილოცავთ პირველი სასწავლო წლის დაწყებას, წარმატებული ყოფილიყოს ყველასათვის!](#)

შეხვედრაზე სიტყვით გამოვიდნენ და პირველი სასწავლო წლის დაწყება სტუდენტებს, მასწავლებლებს, კოლეჯის ადმინისტრაციას და საზოგადოებას მიულოცეს: საქართველოს განათლების, მეცნიერებისა და ახალგაზრდობის სამინისტროს პროფესიული განათლების განვითარების დეპარტამენტის ხელმძღვანელმა - თამარ კვინიკაძემ, სურამისა და ხაშურის ეპისკოპოსმა სვიმეონმა, ხაშურის მუნიციპალიტეტის მერის მოადგილემ - ზვიად გოგუაძემ, ხაშურის მუნიციპალიტეტის სარეზულო თავმჯდომარემ - ნინო ლიპარტელიანმა, საკრებულოს წარმომადგენელმა - მაკა დიდებულიძემ, ხაშურის რესურსცენტრის უფროსმა - მანანა აბაზაძემ, ხაშურის საბიბლიოთეკო გაერთიანების ხელმძღვანელმა - კლარა გელაშვილმა, დასაქმების ხელშეწყობის სახელმწიფო სააგენტოს შიდა ქართლის რეგიონის ხელმძღვანელმა - სოფიო ჯიქურმა.

კოლეჯის ოფიციალური გახსნისა და პირველი სასწავლო წლის დაწყების აღნიშვნის ტრადიციული ცერემონია განახორციელეს პროფესიული განათლების განვითარების დეპარტამენტის უფროსმა - თამარ კვინიკაძემ და კოლეჯის ხელმძღვანელმა - ხათუნა ლობჯანიძემ.

ახალი ათვლა დაიწყო, წინ ახალი გამოწვევებია...



# ხაშურის საპატიო მოქალაქეები რეზონანსარიძე-კაცი, რომლისთვისაც ხაშური სალოცავი ქალაქია.

ქალაქის და, ზოგადად, ნებისმიერი დასახლების საერთო სახის შექმნაში, უმთავრესი როლი ამ ქალაქის მცხოვრებ ადამიანებს აქვთ, კი, გარკვეულ „მისიას“ ამ საქმეში ერთიანი ლანდშაფტი და ადგილმდებარეობა ასრულებს, მაგრამ მთავარი გმირები მაინც ინდივიდები არიან, ისინი, ვინც ქმნიან ამ ქალაქის ისტორიას, კულტურას, წარსულს, აწმყოს თუ მომავალს. ჩვენს ქალაქში, უფლის




წყალობით, ყოველთვის იყვნენ ისეთი პერსონები, რომლებიც თავისი ღვაწლით, ცხოვრების წესით და თუ გნებავთ, საოცარი უბრალოებით, ერთიანი მასიდან მკვეთრად გამორჩეულები იყვნენ და არიან. დღეს, ერთ-ერთი მათგანი უნდა წარმოგიდგინოთ. კინაღამ „გაგაცნოთ“ წამომცდა, არადა, იმდენად უხერხული იქნებოდა ეს ზმნა, ამ კონტექსტში, რომ ყველა გაიღივებდა, აბა, რა გაცნობა უნდა ხაშურის ნამდვილ კოლორიტს, მართლაც კაცურ კაცს, რომელსაც მთელი ქალაქი ისედაც მშვენივრად იცნობს და ყველას სიყვარულის ობიექტია-რეზონანსარიძე.

არ ვიცი, როდის დადგინდა ეს წესი, როდესაც საპასპორტო სახელი მკვეთრად განსხვავდებოდა იმ სახელისგან, რომელსაც ადამიანი შემდეგ მთელი ცხოვრება ატარებდა. ვითომ რატომ არ შეიძლებოდა პასპორტშივე ჩაწერილიყო ვთქვათ, ეკა და არა ეკატერინე, მიშა და არა მიხეილი, ბესიკი და არა ბესარიონი და ასე შემდეგ. მით უმეტეს, თუ ინდივიდს ასე სურდა? რატომ დავიწყე ეს „მონოლოგი“? მომკალით და ჩვენი წერილის გმირს, სრულებით არ უხდება საპასპორტო სახელი-რევაზი, რაღაც ნამეტან ოფიციალურს ხდის. რეზონანსარიძემ კი სწორედ იმ საოცარი უბრალოებით დაიმკვიდრა ადგილი, რომელიც მთელი ცხოვრების წესად აქცია. თანამდებობაც ჰქონდა და საკმაოდ მაღალიც, მაგრამ კაბინეტს და „რბილ სკამს“ არ შეუცვლია მისი შინაგანი ეგო. ყველასთვის „ჩვენი რეზონანსარიძე“ იყო და ასეთად დარჩა.



სწორედ ამამა ამ კაცის ერთ-ერთი მთავარი ხიბლი. მარტო მისი სამეგობრო წრე რომ ჩამოთვალო, ესეც იკმარებდა ზემოაღნიშნული ფაქტის დასტურად. ვის არ ნახავთ აქ-უბრალო მუშიდან(ან რატომ უბრალო?) დაწყებული, ყოფილი თუ მოქმედი სახელმწიფო მინისტრებით დამთავრებული. ის ყველასთვის „ჩვენი რეზონანსარიძე“, არადა, რამდენი მინახავს, რაღაც თანამდებობაზე აღზევებულნი, საღამო რომ უმძიმდებოდათ და ისე დაიარებოდათ, თითქოს ოლიმპოს მთაზე, ღმერთების გვერდით დაიდეს ბინა. მის სამეგობრო წრეზე ასე ვერ გაჩერდები, მართლაც ფართოა ეს წრე, საოცრად ფართო. ორ



მაგალითს მოვიყვან მხოლოდ: საბჭოთა კავშირი კაი ხუთი-ექვსი წლის დანგრეულია, ერთი ხაშურელი კაცი რუსეთშია ჩასული და მოსკოვის ერთ-ერთ უმსხვილესი ბაზიდან კონკრეტული საქონლის წამოდება უნდა. რუსეთი უკვე აღრენილია საქართველოზე და მოსკოვშიც ქართველების გაგონებაც არ უნდათ. ამ კაცსაც უთხრეს, ღირეულორი თუ გადაწყვეტს ამ საქმეს, თორემ სხვა არაფერი გიშველისო. ხელი ჩაუქნევია, მაგრამ მაინც მუსულა მასთან ვაგზისხელა კაბინეტში. პა-პა-პა-არ გამოვა ეგ ამბავი და კარგად ბრძანდებოდეთო-ღირეულორმა, გამოსვლისას კი, ისე, სასხვათაშორისოდ, უკითხავს, სად ცხოვრობ საქართველოშიო. ხაშურშიო, მიუგია პასუხი. ხაშურშიოოოოო-აქ კი სახე შეცვლია ღირეულორს, რეზონანსარიძე იცნობს ინანსარიძესო?... რას ქვია ვიცნობ, ჩემი უახლოესი მეგობარიაო. ხოდა, რეზონანსარიძე მაღლობა, ხელცარიელი რომ არ მიდიხარ აქედანო. ნახევარ საათში ყველა დოკუმენტი ხელმოწერილი იყო, ეს კაცი ყვებოდა შემდეგ. მეორე ამბავი უკვე საქართველოში მოხდა, ამ ოციოდე წლის უკან. მაშინდელ ინფრასტრუქტურის მინისტრთან ოფიციალური შეხვედრა ყოფილა, სადაც ერთ-ერთი ხაშურელიც იმყოფებოდა. მინისტრი ყველას გაცნობია. როდესაც ამ კაცის ხაშურლობა გაუგია, ღიმილით უთქვამს, რომ ჩახვალ, რეზონანსარიძე, ინანსარიძეო, უკაცრავად, მაგრამ არ ვიცნობ ეგეთ კაცსო-გაჩუმებულიყო მაინც... ეჰ, არ ყოფილხარ შენ ხაშურელიო, ხელი ჩაუქნევია მინისტრს.

ცალკე თემაა მისი დამოკიდებულება ჩვენს ქალაქთან. საოცრად უყვარს ხაშური. პირადად ჩემთან აქვს ნათქვამი, ერთი წამითაც ნუ მაცოცხლა ხაშურის გარეშეო. ამიტომაცაა, რომ ქალაქიც იქით უბრუნებს სიყვარულს. ეს ქალაქი მისთვის ის თბილი ბუდეა, რომელიც მაცოცხლებელ ელექსირს აძლევს მას. ისტორიკოსი არ არის, მაგრამ ნამდვილი „ხაშურთმცოდნეა“. უახლოესი 50-60 წლის ისტორიიდან, თუ რამის გაგება გინდა კაცს, მას უნდა ჰკითხო. სრული სიზუსტით მოგიყვებათ, ვინ იყო, რა იყო, სად იყო, როდის იყო, როგორ იყო, ან როგორი იყო. კიდევ ცალკე თემაა მისი იუმორი, რეალურ ისტორიებს ისე მოგიყვება, სიცილით რომ დაგდღის კაცს. ამიტომაცაა, მასთან არასდროს რომ არ მოიწყენ, გიხარია მის გვერდით ყოფნა, გიხარია და გსიამოვნებს.

კაცისთვის უმთავრესი ღირსება ოჯახიაო, ნათქვამია და ამ მხრივაც სამაგალითოა. ულამაზესი მეუღლე, წარმატებული შვილები და ერთმანეთზე უკარგესი შვილიშვილები. სხვა რა არის ადამიანის ბედნიერებისთვის საჭირო?

წელს, ხაშურქალაქობაზე, ხუთ კაცს მიანიჭეს საპატიო ხაშურელის ტიტული. ჩვენ მკითხველს დავპირდით, რომ თითოეულ მათგანს ცალ-ცალკე შევახვედრებდით გაზეთის ფურცლებზე. რატომ დავიწყეთ ბატონი რეზონანსარიძე? დღეს იგი იუბილარია! ვულოცავთ, ამ ღირსეულ კაცს ამ დღეს და უღუვ სიხარულსაც ვუსურვებთ. და ერთი სურვილიც, ღმერთმა ბევრი მისცეს ჩვენს ქალაქს მისნაირი ადამიანები, რომლებიც ხიბლს და სილამაზეს ჰმატებენ ხაშურს.

**გოგი გოგოლაძე**



ფასიანი პოლიტიკური რეკლამა

მხოლოდ მშვიდობით, ღირსებით, კეთილდღეობით - ევროპისკენ!  
აირჩიე მშვიდობა!  
აირჩიე ტრადიციული ფასეულობები!  
აირჩიე საქართველოს ნათელი, ევროპული მომავალი!

ძვირფასო თანამოქალაქეებო!

2012 წლის 1 ოქტომბერს ქართველი ხალხის უპრეცედენტო ერთიანობამ ისტორიული გამარჯვება მოგვითანა და თავისუფლება დაგვიბრუნა. ამ გამარჯვებამ დაამტკიცა, რომ რამდენად ძლიერიც არ უნდა იყოს შიდა და გარე მტერი, როდესაც საქმე ჩვენი ხალხის ღირსებასა და თავისუფლებას ეხება, ქართველისთვის უკან დასახევი გზა არ არსებობს!



ღირსება და თავისუფლება ქართველი კაცისთვის ხაზია, რუბიკონი, რომელიც არ უნდა გადალახო, მაგრამ თუ მაინც გადალახავ, ქართველი ხალხის ერთიანობის ძალა წაგაქცევს!

1 ოქტომბერი არ ეკუთვნის რომელიმე პარტიას, რომელიმე ცალკეულ ადამიანს, 1 ოქტომბერი ეკუთვნის ქართველ ხალხს, საქართველოს მოქალაქეებს, რომელთაც საოცარი ერთიანობით, „ქართულ ოცნებასთან“ ერთად, ქვეყანას ჩამორეცხეს შავი ლაქა, რომელიც თავისუფლად სუნთქვის, აზრის გამოხატვის, სიმართლის გატანის, ბიზნესის კეთების, ღირსეულად ცხოვრების საშუალებას არ გვაძლევდა.

პატრიოტიზმი მხოლოდ იარაღით ხელში სამშობლოს დაცვა როდია, ყველაფერთან ერთად, ესაა გამბედაობა, რომ უსამართლობის წინააღმდეგ აიმაღლო ხმა სწორედ მაშინ, როდესაც ხმის ამოღებას ვერავინ ბედავს! ჩვენ გავბედავთ! შეუძლებელი შევძელით და თუკი 2011 წელს, პოლიტიკაში ჩემი მოსვლის მომენტში, ხალხს ქუჩაში გამოსვლისა და შეკრებისაგ კი ეშინოდა, 2012 წლის 29 სექტემბერს, სულ მცირე, ნახევარი მილიონი პატრიოტი მოეფინა თბილისის ქუჩებს, რათა ყველასათვის გვეჩვენებინა,



რომ არავის და არაფრის გვეშინია, 1 ოქტომბერს კი ქუდზე კაცი მივედით საარჩევნო ყუთებთან და არა მხოლოდ გადავრჩით, არამედ გავიმარჯვეთ!

ამ ერთიანობის ძალით შევძელით ბოროტების სიკეთით, ხოლო სიცრუის სიმართლით დამარცხება. სწორედ ჩვენი ხალხის ამ ერთიანობას ვერ აღუდგნენ წინ იმჟამინდელი რეჟიმი და მათი უცხოელი პატრონები! ამიტომაც, ეს დღე ჩვენი სიამაყის საერთო საფუძველია! ეს დღე ჩვენია, როგორც 26 მაისი, როგორც 9 აპრილი! ამ ყველაფრისთვის სამშობლო

თქვენი მაღლიერია, მაღლიერი ვარ მეც, როგორც თქვენი თანამებრძოლი, ქართველი კაცი!

მაღლობას ვუხდი „ქართული ოცნების“ თითოეულ თანამებრძოლსა და მხარდამჭერს. მაღლობა ყველას, ვინც 1 ოქტომბერს ჩვენთან ერთად უშიშრად დადგა, გასული 12 წლის განმავლობაში ჩვენთან ერთად ღირსეულად იარა დანადმულ ველზე და გაუძლო ყველანაირ ზეწოლას, რათა დღეს ისევ ჩვენ გვერდით ყოფილიყო!

2012 წლის 1 ოქტომბერს ს ა ქ ა რ თ ვ ე ლ ო ს ისტორიის ჩარხი წადმა დატრიალდა. არა მხოლოდ ავტორიტარული რეჟიმი დავამარცხეთ და ქვეყანა დავიბრუნეთ, არამედ, ამ დღიდან მოყოლებული, მივალწიეთ ფუნდამენტურ წინსვლას ყველა სფეროში, ყველა მიმართულებით, იქნება ეს დემოკრატია, ადამიანის უფლებები, ჯანდაცვა, ეკონომიკა თუ სხვა. ეს ხელშესახები წინსვლა არა მხოლოდ ჩვენი მონდომებისა და ძალისხმევის, არამედ იმ ბუნების სიღრმე სწორად სიარულის შედეგია, რომელზეც მთელი განვლილი 12 წლის განმავლობაში ვიარეთ და დღემდე ვაგრძელებთ სვლას.

დიდხანს ვცდილობდით, ამ თემაზე საჯაროდ არ გვესაუბრა, რათა მოსახლეობა არ დაგვეთრგუნა, მაგრამ 2012 წლის 1 ოქტომბრიდან დღემდე საქართველოს და „ქართული ოცნების“ ხელისუფლებას ბუნების სიღრმე გვიწევს სიარული, რათა გარე და შიდა მტრების მხრიდან ქვეყნის არევის გამუდმებული მცდელობის პირობებში, ქვეყანაში უწყვეტი მშვიდობა შევინარჩუნოთ და არ დავუშვათ ის, რაც დღეს უკრაინაში ხდება, არ დავუშვათ ის, რაც 2008 წელს გამოვიარეთ, არ დავუშვათ, რომ ჩვენი ქალაქების, სოფლების და ჩვენი შვილების თავზე ცეცხლის წვიმა მოდიოდეს!

საზოგადოებამ უნდა იცოდეს, რომ ამ ბუნების სიღრმე სიარულისას ბრძოლის მთავარი ხაზი გადიოდა ჩვენს დამოუკიდებლობაზე, მშვიდობაზე, თავისუფლებაზე, ჩვენი რწმენის, კულტურის, ისტორიისა და იმ ღირებულებების დაცვაზე, რისთვისაც 2012 წლის 1 ოქტომბერს გავერთიანდით!

ჩვენმა პოლიტიკურმა გუნდმა შეძლო, რომ ამ ბუნების სიღრმე საქართველო და ჩვენი მოსახლეობა 12 წლიანი უწყვეტი მშვიდობით ეტარებინა. და ახლა, როცა ამ რთული გზის გადამწყვეტ მონაკვეთს გავდივართ, სასიცოცხლოდ მნიშვნელოვანია, რომ მთელ მსოფლიოს კიდევ ერთხელ ვაჩვენოთ ერთიანობის უპრეცედენტო მაგალითი. 26 ოქტომბრის არჩევნებზე ქუდზე კაცი უნდა გამოვიდეთ, რათა ვერავინ ვერასდროს გაბედოს, რომ იოტისოდენა ეჭვი მაინც შეიტანოს „ქართული ოცნებისადმი“ საქართველოს მოსახლეობის მხარდამჭერში, ვერავინ შეიტანოს მცირეოდენი ეჭვი იმაში, რომ საქართველოს მოსახლეობა ირჩევს არა ომს, არამედ მშვიდობას, არა უცხო ქვეყნის აგენტებს, არამედ ქართველი ხალხის ინტერესების დამცველ გუნდს, არა ფსევდო ლიბერალურ ღირებულებებს, არამედ ეროვნულობაზე, ოჯახზე, რწმენასა და დამოუკიდებლობაზე დაფუძნებულ ფასეულობებს, არა იმკატეგორიულად მიუღებელ მოცემულობას, რაც რადიკალურ ოპოზიციას და მათ უცხოელ მფარველებს ევროპულობად სურთ რომ გაასაღონ, არამედ ჩვენი ქვეყნის ღირსეულ ევროპულ მომავალს!

ამიტომაც, პრინციპულად მნიშვნელოვანია, რომ 26 ოქტომბრის საპარლამენტო არჩევნებზე „ქართულმა ოცნებამ“ საკონსტიტუციო უმრავლესობა მოიპოვოს. 26 ოქტომბერს დღის წესრიგში არა მხოლოდ პოლიტიკური სიმპათია-ანტიპათიის, არამედ საქართველოს ყოფნა-არყოფნის საკითხი დგას! უფლისა და სამშობლოს წინაშე ვალდებულნი ვართ, რომ ჩვენს შვილებს, ჩვენს მომავალ თაობას დამოუკიდებელი და მშვიდობიანი საქართველო დავუტოვოთ. ამიტომაც, 26 ოქტომბერს კვლავ უნდა გავერთიანდეთ და გავიმარჯვოთ!

ჩვენი ერთადერთი გზა არის - მხოლოდ მშვიდობით, ღირსებით და კეთილდღეობით ევროპისკენ!

გაუმარჯოს ერთიან, ძლიერ და გაბრწყინებულ საქართველოს!

**ბიძინა ივანიშვილი,**  
„ქართული ოცნების“ საპატიო თავმჯდომარე

ხაშურელი სტუდენტის წარმატება

სანდრო ლიჩელი ბრატისლავას ეკონომიკის უნივერსიტეტზე მთაბეჭდილებებს გვიზიარებს

თსუ-ს ეკონომიკისა და ბიზნესის ფაკულტეტის ეკონომიკის მიმართულების სტუდენტი სანდრო ლიჩელი, გაცვლითი პროგრამის ფარგლებში, სლოვაკეთში, ბრატისლავას ეკონომიკის უნივერსიტეტში სწავლობდა.

„არსებობს მრავალი მიზეზი, რის გამოც სასურველი გახდა ჩემთვის საზღვარგარეთ განათლების მიღება. მოუთმენლად ველოდი გაცვლითი პროგრამის გამოცხადებას და გამიხარდა, როდესაც ბრატისლავას ეკონომიკის უნივერსიტეტში მოვხვდი. სლოვაკეთის დედაქალაქი ლამაზი და მრავალფეროვანია თავისი ღირსშესანიშნაობებით და არქიტექტურით. გაცვლითი პროგრამის პერიოდში, ასევე, მქონდა შესაძლებლობა მოგვენახულებინა სლოვაკეთის მრავალი ქალაქი და მეზობელი ქვეყნები (ავსტრია, ჩეხეთი, უნგრეთი).

სწავლების მეთოდები ბრატისლავას უნივერსიტეტში განსხვავდებოდა ჩვენი სასწავლებლისგან, რაც ჩემთვის საინტერესო პრაქტიკა იყო. მომეცა შანსი – შემესწავლა საინტერესო დისციპლინები უცხოურ ენაზე. სალექციო კურსები მოიცავდა ჯგუფურ სამუშაოებს, ამოცანებს, პრეზენტაციებს ისეთ საინტერესო თემებზე, როგორცაა მარკეტინგი, პროექტების მართვა, ფინანსები, ფასიანი ქაღალდის ბაზრები და ა.შ.; ასევე, გვქონდა შეხვედრა მოწვეულ ლექტორებთან სხვადასხვა ევროპული ქვეყნიდან (პოლონეთი, გერმანია). მათ გაგიზიარეს თავიანთი შეხედულებები მსოფლიოში მიმდინარე ეკონომიკურ მოვლენებსა და პროცესებზე, მდგრად განვითარებაზე, ბიზნეს გარემოზე, მეწარმეობის სამომავლო განვითარების პერსპექტივებზე.

სწავლების პერიოდის განმავლობაში გამეცნო უამრავი სტუდენტი სხვადასხვა ქვეყნიდან, რომელთა ნაწილთან დღემდე მაქვს ურთიერთობა. მათთან ურთიერთობისას გავეცანი მათ ენას, კულტურულ თავისებურებებს და მეც მომეცა შანსი, რომ მათთვის გამეზიარებინა ინფორმაცია ქართული ენის, დამწერლობის, ისტორიის, ტრადიციების, წეს-ჩვეულებების შესახებ, რამაც ბევრ მათგანში დიდი ინტერესი გამოიწვია.

სასწავლო პერიოდში მოგვეცა საშუალება, რომ უცხოელი სტუდენტებისთვის შეგვეთავაზებინა ქართული კერძები და სასმელები, რითაც აღფრთოვანებულნი დარჩნენ“, – ასე გვიზიარებს თავის მთაბეჭდილებებს სანდრო ლიჩელი.

სანდრო ამყობს, რომ თსუ-ს სტუდენტია. როგორც თავად ამბობს, ეკონომიკის საბაკალავრო პროგრამაზე მას საშუალება მიეცა შეესწავლა ფუნდამენტური ეკონომიკური კონცეფციები, პრინციპები და თეორიები. „აქ გავიდრმავე თეორიული ცოდნა, რომელიც საჭიროა ეკონომიკური საქმიანობისა და ბიზნეს გადაწყვეტილებების მოტივების, გამოვლენის ფორმების, ეკონომიკური და მდგრადი განვითარების ტენდენციების და



მოსალოდნელი შედეგების დასადგენად და გასაანალიზებლად. მოხარული ვარ, რომ უნივერსიტეტმა მომცა შანსი გაცვლითი პროგრამის საშუალებით მიმეღო განათლება ევროპის ქვეყანაში, საიდანაც მიღებული ცოდნა და გამოცდილება დამეხმარება ჩემი კარიერული წინსვლის პროცესში“, – აღნიშნავს სანდრო.

ნინო კაკულია

**ზაურ დვალაშვილი**

**პერსონალი**

adidas LEADER-BET უნივერსიტეტი AB JARI m group ხაშურელი

- ძიუდო -

ზაურ დვალაშვილის ვერცხლი

გასულ კვირას, არაბეთის გაერთიანებული საამიროების დედაქალაქში - აბუ-დაბიში დასრულდა გრანდ-სლემის საერთაშორისო ტურნირი ძიუდოში, რომელშიც ჩვენი ქვეყნის ნაკრებიც მონაწილეობდა. 81 კილოგრამ წონით კატეგორიაში ვერცხლის მედალი მოიპოვა ჩვენმა თანაქალაქელმა ზაურ დვალაშვილმა. უულოვანო მას ამ წარმატებას და გვჯერა მომავალში იგი ბევრჯერ ასახელებს ხაშურს და მთელ ქვეყანას.

აიპი კულტურისა და გაეგმთა და მოზარდთა შემოქმედებითი განვითარების ხანგრძლივი გაერთიანება-თოჯინების თეატრი არ არღვევს გრადინივს და 2024-2025 წლისთვის გიფვიმ სწულივსა და ინფრესთა მიხელოთ მოზარდულთა გაერთიანებაჟი. მსაზვრულ თეითოქმედ ანსაგლვასა და კოლექცივებო

**მოსწავლეთა მიღება-რეგისტრაცია დაიწყო**

პალაატრული თეატრული რესი	თეატრული პალაატრული რესი	ბავშვთა თეატრული პალაატრული რესი	ბავშვთა რესტავრაციის პალაატრული რესი	საბავშვო საბავშვო DANCE STUDIO	საბავშვო თეატრული რესი
სალონო-ბალეტი: 800 80 81 31	მუსიკალური: 599 29 83 26	ხელმძღვანელი: 677 17 77 67	სალონო-ბალეტი: 558 24 17 78	მუსიკალური: 61168158	მუსიკალური: 255161128

მისამართი: ხაშური რუსთაველის მე-2 რიხი № 6 გვლ: 24 03 87 2024 წელი

ახალ პროფესიულ კოლეჯს, ახალი სამარშრუტო ხაზი მოემსახურება

კოლეჯში სასწავლო წლის დაწყებასთან დაკავშირებით, 15 ოქტომბრიდან, კოლეჯში ვიზიტორებს მოემსახურება სამარშრუტო ხაზი #77: რუსთაველის ქუჩა - ახალი ბანას ქუჩა  
გასვლა - 9:30, 11:30, 14:30 და 17:30 საათზე - რუსთაველის ქუჩის ბოლოდან (ავტოსადგურზე, შადრევნის მოედნის მიმდებარედ, რუსთაველისა და ბორჯომის ქუჩის გადაკვეთა)  
უკან დაბრუნება - 10:00, 12:00, 15:00 და 18:00 საათზე - ახალი ბანას ქუჩიდან (ზემო სერი, კოლეჯის წინამდებარე ტერიტორია)

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაშინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში.